

大同府志卷之六

大同府知府吳輔宏纂輯

古蹟

柱礎沉碑韓陵片石憑弔俯仰古今同慨往蹟之流傳
顧不以人重歟雲郡爲前代用武之地兵燹劫塵遺跡
蓋寡然而芒芒舊壤山川猶是觀乎版築則秦蒙恬之
築朗而存焉披乎圖牒則北魏以來之城邑若可觀焉
若夫斷碣殘銘荒塋廢壙其足以揮雍門之琴而扣西
州之策者又何可勝道哉志古蹟

大同府

大同縣

倚郭

雲中古城府城北郭外秦漢之雲中故城卽唐雲中都護府唐書地理志雲中都護東北距朔州五百五十七里
曰唐置雲州於恒安鎮始改定襄縣曰雲中其實元魏之平城卽漢鴈門郡之平城縣也魏大興元年定都平

城始營宮室建宗廟立社稷二年增啟京師十二門孝文帝遷都洛邑改爲司州牧唐呂令問雲中古城賦棄萬里之沙漠傍五原之風土肇爲此都實惟太祖池桑乾之水苑秦城之牆百堵齊矗九衢相望張嵩賦一太陰以建極則廣莫而論都遂徵板幹庀徒卒鏟嶢嶢削

嶺岫因方山以列勢按長城以爲窟

平城外郭明一統志城東五里本漢平城縣其外郭乃北
魏所築在無憂坡上一作無榆坡魏書稱參合陂主無
榆樹亦此類也又攷魏書太宗紀泰常八年築平城外
郭周廻二十一里舊志謂西魏所築者誤

元魏宮垣遼史地理志元魏宮垣占城之北面雙闕尙在
後爲天生寺按今府城北門外有土臺東西對峙蓋雙
闕也時以廢爲厲壇其地猶稱天王臺云

鹿苑魏書懷帝二年己亥春道武帝起鹿苑於南臺陰北
距長城東也白登屬之西山廣輪數十里鑿渠引武川

水注之苑中疏爲三溝分流宮城內外又穿鴻鴈池四
年起石池鹿苑臺泰常六年發京師六千人築苑起自
舊苑東包白登周圍四十餘里顯祖時中書令高閭著
鹿苑頌以今地界攷之當在府治東北

靈泉池在方山下魏書太和九年六月行幸方山遂幸靈
泉池自後歲幸十四年七月文明太后與高祖幸靈泉
池燕羣臣及藩國使人諸方渠帥各令其爲方舞高祖
帥羣臣上壽太后折然作歌帝亦和歌遂命羣臣各言
其志於是和歌者九十人

文石臺鑿元殿並在方山北魏太和三年建十九年九月

泰西拜永固陵夜宿鑒元殿按方山在今府北五十里
相傳有北魏二陵及方山宮址

白登宮北魏泰常四年築卽漢平城東七里白登山地今
所稱小白登也先是永興四年立太祖廟於白登山至
泰常四年八月帝嘗於白登廟將鷹獵有神異焉九月
築白登宮

靜輪壇府城南二里元魏道士寇謙之建按魏書眞君三
年謙之奏造靜輪宮水經注以爲神龜四年造太平真
君十一年毀未詳孰是今其地名八荒壇

武周山石窟在府西武周山神元魏高宗時僧曇曜請於

城西武周塞鑿山石壁開窟五所鑄建佛像各一高者
七丈尺次六丈尺彫飾奇偉冠於一世顯祖皇興元年
行幸武周山石窟寺四年幸鹿野苑石窟寺太和四年
六年七年屢幸武周山石窟寺按今寺在府西三十里
左雲界特當時石窟之一迤東半數里巖壁間遺跡宛
然舊志載石窟寺其名詳見祠祀疑即水經注所稱
山堂水殿煙寺相望者已無可稽考今城西十五里佛
字灣觀音堂猶存石佛數尊或其遺也

燕昌城水經註云水出平城苑之西苑外武周塞北出東
轉逕燕昌城南燕慕容垂建興十年輦過平城北四十

里疾篋乃不燕昌城而還北俗謂之老公城次魏書皇
始元年慕容垂來攻桑乾川遂至平城西北山結營
築城自守卽此城也羊水疑卽今得勝河則燕昌城當
在今府西北得勝堡之南

定襄故城府城西北二十里漢爲郡唐爲縣皆治此開元
間改爲雲中縣有陰山青坡二道皆出兵路

恒安鎮遼志北魏置恒州齊文宣廢州爲恒安鎮周隋因
之唐貞觀十四年置定襄縣爲雲州治開元二十年更
名雲中遼始析雲中爲大同縣卽今治也

牛皮關城東六十里牛皮嶺下唐書雲中東有牛皮關金

史大同有牛皮關卽此今名牛皮嶺鋪

遼金宮垣府城西門有二土臺蓋宮闕門也路寢之基猶存遼志晉高祖割山前伐北地大同來屬重熙十三年因建西京鎮樓欄櫓具廣袤二十里門東曰迎春南曰朝陽西曰定西北曰拱極設留守司衙南曰西省北門之東曰大同府北門之西曰大同驛金志大定五年建西京宮室其門南曰奉天東曰宣仁西曰阜成

遼西京國子監在府西和陽街明洪武八年建府學於此二十九年改爲代庠武宗幸大同嘗駐蹕焉崇正末燬於兵火今存黃琉璃瓦一座上有九龍文土人謂之九

龍壁

鳳臺城內西北一名梳妝樓相傳遼蕭后居此左右二臺各高數丈元大德十一年地震圯其左延祐間右臺亦圯後其址爲鳳臺坊坊亦久廢無可考舊志所謂鳳臺曉月也或云今縣學西南基是

銅石像在舍利坊華嚴寺中按遼史清寧八年建華嚴寺奉安諸帝銅石像石像五銅像六內一銅像袞冕垂足而坐餘俱常服今並失所在金史世宗大定六年夏五月幸西小華嚴寺觀故遼諸帝銅像元史石天麟傳云遼國主石銅像在西京者今尙有之是銅像元時尙存

而石像元亡矣

遼普同塔口幢在上華嚴寺大殿前高五尺徑尺餘方隅八面面欠首字其畧云佛鼎尊勝陀羅尼幢蜀賓沙門佛陀波利奉詔譯立幢人司文顯本山普同塔立在城西楊柳坡東至官道南至溝西至山頂北至溝周匝爲計維太康二年歲次丙辰十月小甲申朔十七日庚子日庚時記按此非寺中物楊柳坡未詳本行經淨飯王抱太子謁止天神廟神像起禮拜太子足王驚曰我子於天神也爲其勝五道諸觀察智品卽陀羅尼梵語陀羅尼此諸請得一切智總持可法也唐李白

有尊勝陀羅幡文又遼大成縣創建無垢淨光法舍利
塔記畧云無垢淨光陀羅尼經者自大唐天冊金輪皇
帝萬歲元年天竺三藏觀貨羅國沙門彌陀山譯布中
夏塔建於開泰八年皆此類也

落星石在北關真武廟蒼黑色方圓尺餘厚如之其左方
微缺非全壁也旁鐫字蹟俱磨滅不可辨

金西京大普恩寺重修大殿記碑皇統三年二月丁卯宋
修武郎備古州團練使充通問副使婺源朱弁撰文同
知西京留守太師兼本路兵馬都總管府事丁暉仁
篆額西京路都轉運副使孔固書大定十六年立石

金西京大普恩寺重修釋迦如來成道記碑明昌元年試

國子祭酒兼翰林直學士知制誥同修國史党懷英篆

額銀青榮祿大夫柱國金源郡開國公食邑二千戶食

實封二百戶闕名書開府儀同三司判西京留守大同

尹兼本路兵馬都總管食邑一萬戶食實封一千戶大

功德主闕名立石

金西京大慈嚴寺重修薄伽教藏碑大定二年立石都人

殷子卿撰記張公徽篆額沙門法慧書

元西京大慈嚴寺佛日圓照明公和尚碑銘雲峯寺住持

祥邁撰文西京路總管兼大同府尹田介篆額雲峯寺

懷仁縣志序
持悟圓書至九十年立石

懷仁縣

蘭池城漢志沙南縣有蘭池城遼志懷仁縣本漢沙南縣地

早起城在縣南三十里北魏孝文帝築土人名雞鳴城亦曰食時城金志懷仁縣有早起城

日中城魏孝文帝築金志懷仁縣有日中城水經注武周塞水逕日沒城南蓋夕陽西頽征車所薄之故城也東有日中城城東又有早起城在黃瓜阜北曲中按今縣南六十里有日中城堡正在黃花岡之北

東城遼志太祖與晉王李克用會於雲州之東城又云奉義縣析雲中置後唐武皇與太祖會此是東城卽奉義縣而懷仁在其西說詳沿革

南池水經注桑乾枝水又東流津委浪通結兩湖東湖西浦淵潭相接水至清深晨鳧夕鴈泛濫其上黛甲素鱗潛躍其下頰仰池潭意深魚鳥所寡唯良木耳俗謂之南池池北對洋陶縣之故城省志云懷仁縣近漢湟陶縣地按今縣東南十五里高鎮子堡舊爲鎮子海周廻四十五里中產鯉魚車數十觔水禽蕃育後居民決水渠導流於桑乾河遂涸疑卽古南池也

聚仙臺縣西南六十里大羅寺南上有仙人鐵拐李遺跡
利國鐵冶在縣西十五里清涼山又西十里錦屏山亦舊
有鐵冶按元史食貨志鐵在河東者太宗丙申年立爐
於西京州縣撥冶戶七百六十煽焉武宗至大元年立
河東都提舉司掌之所隸之冶八利國其一也一統志
清涼山有利國鐵冶

梨園縣西二十里元薛御史果園明入代府址存今其地
名梨園村

劉晏莊在縣南六十里相傳昔劉晏居此嘗出粟賑饑里
人德之以名其莊或疑爲唐鹽鐵轉運使劉晏按唐書

劉晏傳曹州南華人曾避地襄陽累官河東三川其後
貶死中州與雲州無涉又按宋史劉晏嚴州人入遼舉
進士宣和四年來歸見忠義傳懷仁於宋時爲遼地或
入遼時所居無可證實及考山陰縣志劉晏前明貢生
兒選舉今劉晏莊在山陰縣北地本鄰接必懷仁人而
籍山陰也故十人亦稱劉官莊

山陰縣

南平城卽新平城魏書太祖天興六年九月行幸南平城
規度澤南面夏屋山背黃瓜堆將建新邑天賜三年遂
於其地築宮規立外城方二十里分市里經塗洞達

今灤水經山陰縣北有黃花岡卽黃瓜堆縣南大山卽古夏屋是山陰爲南平城地無疑矣

忠州故城在今縣城西南十五里金貞祐二年陞山陰縣爲忠州築城

御射臺舊志云在山陰縣南三十里龍門山後魏文成帝嘗射於此有碑記其陰刻從臣姓氏又云龍門山一名隘門按水經注瀉水自靈邱縣南流入峽謂之隘門其水沿澗西轉逕御射臺南臺在北阜上臺南有御射石碑又攷魏書靈邱南有山高四百餘丈和平二年高宗過之詔從官仰射山峯無能踰者高宗發出山三十